

Samþykktir Reka, félags viðskiptafræðinema

Félagið og meðlimir þess

1.gr. Félagið heitir Reki og er félag viðskiptafræðinema við Háskólann á Akureyri. Félagið hefur kennitöluna 560191-2009 og er aðsetur þess og varnarþing á Akureyri.

2.gr. Heimild til skráningar í félagið hafa eingöngu þeir stúdentar sem skráðir eru í nám við viðskiptadeild Háskólans á Akureyri og greitt hafa skrásetningargjald til skólans.

2.1. Almennur frestur til að skrá sig í félagið rennur út 15. september kl. 23:59 ár hvert og ber stúdentum að skrá sig í félagið árlega.

2.2. Óski stúdent sem stundar nám við viðskiptadeild eftir því að skrá sig í félagið eftir að almennur skráningarfrestur er liðinn getur sá aðili þó skráð sig í félagið hvenær sem er gegn því að greiða félagsgjald, ákvarðað af stúdentaráði SHA ár hvert, til SHA. Sama gildir um stúdentar sem sannanlega stunda nám við viðskiptadeild háskólans en eru undanþegnir skrásetningargjaldi, t.a.m. vegna skiptináms.

2.3. Hver félagi getur skráð sig úr félaginu hvenær sem er, sama hvaða ástæða liggur að baki.

2.4. Félagsmenn einir hafa atkvæðisrétt á aðal- og félagsfundum.

3. gr. Markmið félagsins eru:

3.1. Að gæta sameiginlegra hagsmuna stúdentar viðskiptadeild og vera málsvari þeirra, innan skólans sem utan.

3.2. Að efla tengsl og samheldni meðal meðlima félagsins.

3.3. Að stuðla að góðri samvinnu við önnur aðildarfélög SHA.

3.4. Að standa fyrir viðburðum, s.s. ferðum, fræðslufundum og skemmtunum fyrir félagsmenn.

3.5. Að efla tengsl stúdentar við fyrirtæki á sviði viðskiptafræða.

4. gr. Sitji enginn í stjórn félagsins leysist það upp og skulu þá öll réttindi og skyldur þess renna til SHA.

5. gr. Allir þeir sem sinna trúnaðarstörfum fyrir félagið eru bundnir trúnaði um viðkvæm mál og mál einstakra stúdentar sem þeir kunna að verða áskynja við störf sín fyrir félagið.

Aðalfundur og kosningar

6. gr. Aðalfundur hefur æðsta vald í málefnum félagsins. Aðalfundur Reka skal halda minnst sjö dögum fyrir aðalfund SHA.

7. gr. Boða skal til aðalfundar með auglýsingu á tryggilegan hátt, með sjö daga fyrirvara hið minnsta, og telst hann þá lögmætur. Ef aðalfundur telst ekki lögmætur skal boða til nýs aðalfundar að viku liðinni og telst sá fundur lögmætur.

8. gr. Dagskrá aðalfundar skal vera sem hér segir:

1. Fundur settur. Skipan fundarstjóra og fundarritara.

2. Skipun kjörnefndar.

3. Skýrsla forseta um liðið starfsár.

4. Skýrsla fjármálastjóra um liðið fjárhagsár. Ársreikningur borinn upp til samþykktar.

5. Samþykktabreytingar.

6. Kosning forseta.

7. Kosning annarra stjórnarmeðlima:

Kosning varaforseta.

Kosning fjármálastjóra.

Kosning meðstjórnanda.

Kosning samskiptafulltrúa.

8. Kosning og skipan annarra fulltrúa.

Skipaðir fulltrúar í viðburðanefnd. Fjöldi aðila er ekki takmarkaður.

Kosning fulltrúa í kynninganefnd.

Kosning fulltrúa í alþjóðanefnd.

Kosning fulltrúa í náms- og matsnefnd.

9. Önnur mál.

10. Stjórnarskipti

11. Fundi slitið.

9. gr. Stjórnarmeðlimir og aðrir fulltrúar eru kosnir með leynilegum atkvæðagreiðslum á aðalfundi félagsins.

9.1. Aðeins félagsmenn Reka hafa kjörgengi í stjórn og önnur embætti sem kosið er til á aðalfundi. Aðeins félagsmenn Reka sem sitja aðalfund hafa atkvæðisrétt.

9.2. Skipa skal a.m.k. einn aðila í kjörnefnd sem skal vera utan fráfaramandi stjórnar og ekki í framboði til nýrrar stjórnar Reka. Kjörnefndin skal annast skipulag og framkvæmd kosninga á aðalfundi.

9.2.1. Aðili í kjörnefnd þarf ekki að vera skráður í Reka.

9.3. Einfaldur meirihluti skal ráða niðurstöðum kosninga á aðalfundi. Falli atkvæði jafnt við kjör skal endurtaka kosningu á milli viðkomandi frambjóðenda. Ef kosningin er enn jöfn ræður atkvæði fráfaramandi formanns.

9.4. Veita skal framboðsfrest þar til tveimur sólarhringum fyrir boðaðan aðalfund.

9.5. Framboð skulu berast á netfang Reka: reki@unak.is.

9.6. Berist aðeins ein framboðsyfirlýsing í embætti fyrir framboðsfrest er sá aðili sjálfkjörinn.

9.7. Berist ekki nægilega margar framboðsyfirlýsingar til að fullmanna öll embætti félagsins er heimilt að opna fyrir framboð á aðalfundi. Standi embætti enn laust að loknum aðalfundi færast ábyrgð þess embættis á stjórnarmeðlim sem forseti velur, þar til framboð berst. Stjórn er þá frjálst að skipa aðila í laus embætti.

10. gr. Samþykktabreytingar skulu einungis eiga sér stað á aðalfundi. Til að slík breyting öðlist gildi þarf hún að hljóta samþykki einfalds meirihluta þeirra félagsmanna sem mættir eru á aðalfund. Tillögur um breytingar á samþykktum skulu berast fundarstjóra fyrir 5. lið dagskrár aðalfundar eins og segir í 8. grein.

10.1. Öllum meðlimum Reka er heimilt að leggja fram samþykktabreytingartillögu.

11. gr. Fráfaramandi stjórn skal funda með nýrri stjórn félagsins innan við viku frá stjórnarskiptum. Á þeim fundi skal fráfaramandi stjórn skila af sér öllum gögnum, sem og eigum félagsins, ásamt því að kynna mál félagsins fyrir nýrri stjórn.

11.1. Ný stjórn skal taka við á aðalfundi félagsins en fráfaramandi stjórn er skyldug til að vera nýkjörinni stjórn innan handar allt að viku eftir stjórnarskipti eða ef þörf er á fram að skiptafundi SHA.

Stjórn

12. gr. Stjórn Reka skal skipuð sex staðbundnum stúdentum sem uppfylla skilyrði 2. gr. um félagsaðild.

12.1. Stjórnarmeðlimir gegna eftirfarandi embættum: Forseti, varaforseti, fjármálastjóri, samskiptafulltrúi, meðstjórnandi og fulltrúi nýnema.

12.2. Ef stjórnarmeðlimir yfirgefa félagið, eða ef nýnemafulltrúar eru kjörnir í önnur embætti á aðalfundi, hefur stjórn heimild til að sitja áfram með færri stjórnarmeðlimi en sex. Þó skulu stjórnarmeðlimir aldrei vera færri en fjórir. Þá skulu skyldur fráfarandi stjórnarmeðlims færast yfir á aðra meðlimi stjórnar eftir ákvörðun forseta.

12.3. Stjórn Reka situr stjórnarfundi og fer með æðsta ákvörðunarvald félagsins á milli aðalfunda.

12.4. Stjórninni er heimilt að kalla á sinn fund fulltrúa Reka í nefndum og ráðum. Fulltrúar þessir hafa málfrelsi og tillögurétt en hafa þó ekki atkvæðisrétt.

12.5. Á stjórnarfundum Reka ræður meirihluti atkvæða úrslitum mála. Ef atkvæði falla jafnt ræður atkvæði forseta, nema ef um fjármál er að ræða en þá ræður atkvæði fjármálastjóra.

12.6. Forseti er fulltrúi í stúdentaráði SHA og sinnir þeim skyldum nema að stjórn kjósi sérstaklega um annað. Sjái forseti félagsins sér ekki fært að sitja í stúdentaráði hefur stjórn Reka rétt á því að kjósa sér nýjan fulltrúa innan stjórnar til að sinna þeim skyldum.

13. gr. Hlutverk forseta eru eftirfarandi:

13.1. Forseti Reka er fulltrúi félagsins í stúdentaráði SHA nema stjórn ákveði annað. Ásamt því er forseti í forsvari fyrir félagið og kemur fram fyrir hönd þess út á við. Forseti hefur yfirumsjón með framkvæmdum á vegum félagsins og ber endanlega ábyrgð á málefnum þess.

13.2. Forseti boðar til félags- og stjórnarfunda svo oft sem þörf krefur. Forseti er fundarstjóri á slíkum fundum eða sér um að skipa annan fundarstjóra.

13.3. Forseti sér um að úthluta verkefnum til annarra stjórnarmeðlima og hefur yfirumsjón með félagsstarfi Reka. Skal forseti sjá til þess að verkaskipting stjórnar sé eins jöfn og mögulegt er.

13.4. Forseti skal sjá til þess að samþykktir félagsins séu uppfærðar í samræmi við þær breytingar sem samþykktar hafa verið á aðalfundi. Forseti sér einnig um að kynna samþykktir félagsins sem og samþykktir SHA fyrir öðrum stjórnarmeðlimum og skal það gert innan sjö daga eftir stjórnarskipti.

13.5. Forseti skal sitja fræðasviðsfundi Heilbrigðis-, viðskipta-, og raunvísindasviðs, fundi stjórnar Heilbrigðis-, viðskipta-, og raunvísindasviðs, deildarráðsfundi og deildarfundi viðskiptadeildar eftir því sem við á og

skrifstofustjóri óskar eftir. Forseti ber ábyrgð á því að kalla til varafulltrúa ef hann forfallast á fundi.

13.6. Forseti sér um gerð ársskýrslu félagsins í samstarfi við stjórn.

13.7. Forseti hefur prókúru félagsins og ber ábyrgð á greiðslukorti, ásamt fjármálastjóra.

13.8. Hætti forseti störfum skal varaforseti taka við störfum hans.

14. gr. Hlutverk varaforseta eru eftirfarandi:

14.1. Varaforseti skal vera formanni innan handar í öllum málum og gegna starfi formanns í forföllum hans. Varaforseti er jafnframt staðgengill forseta í stúdentaráði SHA nema stjórn ákveði annað.

14.2. Ef varaforseti getur ekki gegnt því hlutverki af einhverjum ástæðum skal annar stjórnarmeðlimur taka hans stað.

14.3. Varaforseti gegnir starfi ritara félagsins. Hann skal skrá fundargerðir stjórnarfundu og færa inn á Teams svæði stjórnarinnar jafnóðum. Hann skal einnig hefja alla stjórnarfundu á því að leggja fram fundargerð síðasta fundar til samþykktar. Fyrir stjórnarskipti skal varaforseti sjá til þess að allar fundargerðir fráfarandi stjórnar séu inni á Teams svæði Reka.

14.4. Varaforseti hefur yfirumsjón með tölvupóstfangi Reka.

14.4.1. Varaforseti sér um samskipti við fyrirtæki í sambandi við vísindaferðir og hefur yfirumsjón með skipulagningu slíkra ferða í samráði við stjórn.

14.5. Varaforseti tekur þátt í undirbúningi og skipulagningu félagsstarfs ásamt öðrum stjórnarmeðlimum.

15. gr. Hlutverk fjármálastjóra eru eftirfarandi:

15.1. Fjármálastjóri hefur yfirumsjón með fjárreiðum á vegum félagsins, í samráði við stjórn.

15.2. Fjármálastjóri hefur prókúru félagsins og ber ábyrgð á greiðslukorti, ásamt forseta.

15.3. Fjármálastjóri skal útbúa ársreikning og standa skil á fjárreiðum félagsins á aðalfundi.

15.4. Fjármálastjóri tekur þátt í undirbúningi og skipulagningu félagsstarfs ásamt öðrum stjórnarmeðlimum.

15.5. Fjármálastjóri skal vera í virku samstarfi með rekstrarstjóra SHA.

16. gr. Hlutverk samskiptafulltrúa eru eftirfarandi:

16.1. Samskiptafulltrúi hefur yfirumsjón með samfélagsmiðlum félagsins og ber t.a.m. ábyrgð á því að viðburðir séu auglýstir með góðum fyrirvara.

16.2. Samskiptafulltrúi sér um samskipti við stúdenta samhliða formanni.

16.3. Samskiptafulltrúi tekur þátt í undirbúningi og skipulagningu félagsstarfs ásamt öðrum stjórnarmeðlimum.

17. gr. Hlutverk meðstjórnanda eru eftirfarandi:

17.1. Meðstjórnandi hefur yfirumsjón með skipulagningu á viðburðum og félagsstarfi Reka, í samráði við stjórn.

18. gr. Hlutverk nýnemafulltrúa eru eftirfarandi:

18.1. Nýnemafulltrúi skal vera tengiliður stjórnar við stúdenta á fyrsta ári við viðskiptadeild Háskólans á Akureyri.

18.2. Nýnemafulltrúi skal vera kosinn með leynilegri, rafrænni atkvæðagreiðslu í byrjun haustmisseris ár hvert. Ef aðeins eitt framboð berst, er sá aðili sjálfkjörinn.

18.3. Nýnemafulltrúi tekur þátt í undirbúningi og skipulagningu félagsstarfs ásamt öðrum stjórnarmeðlimum.

18.4. Nýnemafulltrúi situr í stjórn út skólaárið, nema hann sé kosinn í annað embætti innan stjórnar á aðalfundi.

18.5. Sé sitjandi fulltrúi kjörinn í annað embætti á aðalfundi, er ákvörðun í höndum stjórnar um hvort staða nýnemafulltrúa falli niður út skólaárið eða annar aðili sé tilnefndur í hans stað.

19. gr. Á félagsfundum geta meðlimir Reka borið upp vantraust á meðlim félagsins eða stjórnarmeðlim. Tillagan þarf að hljóta samþykki 2/3 viðstaddra á fundinum til að hún nái fram að ganga. Lágmarksfjöldi viðstaddra skal vera 1/10 félagsmanna til að hægt sé að afgreiða tillöguna.

20. gr. Segi stjórnarmeðlimur af sér eða ef vantraust á stjórnarmeðlim er samþykkt, skal stjórn Reka óska eftir framboðum í stöðuna og kjósa nýjan stjórnarmeðlim. Meirihluti atkvæða ræður úrslitum en falli atkvæði jafnt ræður atkvæði formanns.

21. gr. Segi þrjú eða fleiri stjórnarmeðlimir af sér, eða vantraust á þrjú eða fleiri stjórnarmeðlimi er samþykkt, telst stjórnin vanhæf. Í því tilfalli skal boða til félagsfundar innan sjö daga þar sem ný stjórn er kosin.

Félagsfundur

22. gr. Félagsfundur skal haldinn ef 1/5 félagsmanna eða meirihluti stjórnar fer skriflega fram á félagsfund. Fundurinn skal haldinn innan sjö daga og ber stjórninni að boða til fundarins með tryggilegum hætti með minnst tveggja daga fyrirvara.

Fjármál

23. gr. Stjórn félagsins hefur heimild til þess að leita fjármagns utan veggja háskólans, í formi styrkja eða samstarfssamninga.

24. gr. Reikningar félagsins skulu miðast við aðalfund ár hvert.

25. gr. Stjórn Reka skal ganga úr skugga um að lausafjárstaða félagsins við stjórnarskipti sé hvorki hærri né lægri en verklagsreglur SHA um aðildarfélög segja til um.

26. gr. Stjórn Reka er heimilt að greiða út umbun til fráfarandi stjórnar fyrir störf í þágu félagsins og skóla, nema fjárhagur félagsins leyfi það ekki. Umbunin skal vera andvirði aðgöngumiða á árs hátíð SHA. Forseti hefur vald til þess að umbuna aðeins hluta stjórnar ef einhverjir stjórnarmeðlimir hafa ekki sinnt embætti sínu sem skyldi.

***26.1.** Skal forseti taka þessa ákvörðun í samráði við fjármálastjóra, nema forseti telji fjármálastjóra ekki hafa sinnt starfi sínu eftir bestu getu.*

Önnur ákvæði

27. gr. Samþykktir félagsins skulu ávallt vera aðgengilegar í nýjustu útgáfu á vef SHA.

28. gr. Stangist ákvæði í samþykktum Reka á við samþykktir SHA skulu samþykktir SHA ráða. Gera skal viðeigandi úrbætur á samþykktum á næsta aðalfundi.

Þessar samþykktir voru samþykktar á aðalfundi Reka þann 9. mars 2026.